

3 февраля 2026.

Преподобный Максим Исповедник

Вечерня (приходская)

Стихиры на «Господи, воззвах»

Канонарх: Глас 4, Господи, воззвах к Тебѣ, услыши мя.

Лик: Господи, воззвах к Тебѣ, услыши мя./ Услыши мя, Господи./ Господи, воззвах к Тебѣ, услыши мя:/ вонми гла-су молѣния моего,/ внигда воззвати ми к Тебѣ.// Услыши мя, Господи.

Да исправится молитва моя,/ яко кадило пред Тобою,/ воздеяние руку мою/ жертва вечерняя. // Услыши мя, Господи.

прп. Максима Исповедника на 3

На 6, стих: Аще беззакония назириши, Господи, Господи, кто постоит? / Яко у Тебѣ очищение есть.

За милосердие бывша Человека, яко благоизволи,/ во дву хотѣниях, дѣйствах же разумеаема, преподобне,/ проповѣдал еси, Максиме,/ заграждая скверных незатворенная уста,/ единовольна, единоедественна Того славящих, // искушением диавольским злѣбу соделавшаго.

Стих: Имене ради Твоего потерпѣх Тя, Господи, потерпѣ душа моя в слово Твое, /

упова душа моя на Господа.

Жилами учений твоих/ Пирра, отче, удавил еси,/ буесловяща, Максиме, зломудреннаго,/ и гонения претерпел еси, и

3 февраля 2026. Прп Максим Исповедник

скóрби, приснопáмятне,/ ураняемь люте, и язýк отрэзуемь,/ и юже всегда к Бóгу простираемую Божéственную рúку,// ёюже пиша, совершил еси высóкая словеса.

На 4, стих: От стражи úтренния до нóщи, от стражи úтренния, / да уповаёт Израíиль на Гóспода.

Скоропíсца я́ко трость, наострѣна Дúхом,/ святы́й бысть, блаже́нне, язýк твой,/ добропíшущ благода́тию на скрижа́лех серде́ц на́ших/ за́кон Божéственных добродѣтелей, и учёнием извѣстие,/ и воплощёние во дву существа́х челове́ком// и Еди́ней Ипостáси явítися восхотѣвшаго.

мч. Неофíта Никейскаго на 3

Глас 8. Стих: Я́ко у Гóспода мíлость, и мно́гое у Него́ избавлѣние, / и Тóй избáвит Израíиля от всѣх беззако́ний его́.

О, преслáвнаго чудесé!/ Гóлубь бесѣдует Неофíту мученику/ челове́ческим вещáнием,/ от Вы́шних пришѣдший,/ его́же ра́ди и облиста́ет жити́е равноáнгельно,/ íмже, юношствуя, стра́ждет крѣпко./ О, Божéственных дея́ний пято-страда́льнаго мученика!/ Его́же моли́твами спаси́ дúши на́ша, Христé,// я́ко Благоутрóбен.

На 2, стих: Хвалíte Гóспода всi язýцы, / похвалíte Его́ всi лю́дие.

О, преслáвнаго чудесé!/ От пелѣн самѣх совершенно-мúдрый Неофíт/ соверша́ет чудеса́ дѣйством Дúха:/ из ка́мене во́ду моли́твами источáет,/ мѣртвую воздвизáет,/ ея́же явiся порóд./ О, Божéственных дея́ний пятостра-

дальнаго мученика!// Егоже молитвами спаси души наша,
Христе, // яко Благоутробен.

Стих: Яко утвердися милость Его на нас, /
и истина Господня пребывает во век.

О, преславнаго чудесе!// За Христа стражда треблаженный
Неофит, / враги устраши изрядными видениями, / огонь угасает
сему вметаему, / сверепыя звери устрашившияся пока-
зует. / О державо непобедимая, / в нейже удивляется стра-
далец!// Но молитвами его спаси ны, Боже.

Слава, глас 6:

Слава Отцу, и Сыну, и Святому Духу.

Преподобне отче, / во всю землю изыде вещание ис-
правлений твоих. / Тем на Небесех обрел еси мзду трудов
твоих, / демонския погубил еси полки / и Ангельския до-
стигл еси чины, / ихже житию без порока поревновал еси, /
дерзновение имея ко Христу Богу, // мир испроси душам
нашим.

И ныне, глас 6:

и ныне, и присно, и во веки веков. Аминь.

Никтоже притекаяй к Тебе, / посрамлен от Тебе исходит, /
Пречистая Богородице Дево, / но просит благодати и при-
емлет дарование // к полезному прошению.

Стихиры на стиховне

Октоих, глас 8, среда

Канонарх: Глас 1, Яко пучина многа прегрешений моих Спасе.

Яко пучина мно́га прегрешéний мо́их Спа́се, / и лю́те погру-
жа́юся согрешéньми мо́ими, / да́ждь мѝ ру́ку, яко Петро́ви, //
и спаси́ мя Бо́же, и поми́луй мя.

Стих: К Тебе́ возведóх óчи мой живúщему на небесѝ, сѣ́ яко óчи
ра́б в руку́ госпóдий своѝх, яко óчи рабы́ни в руку́ госпожи́ своея́,
тако óчи на́ши ко Гóсподу Бо́гу на́шему. /

Лик: дóндеже ущéдрит ны́.

Яко в помышлéниях лука́вых и в дéлах осудѝхся Спа́се, /
мы́сль мнѣ́ да́руй обращéния Бо́же, да зову́ Ти: // спаси́ мя
Благодéтелю Благѝй, и поми́луй мя.

Стих: Помѝлуй нас, Гóсподи, поми́луй нас, яко по мно́гу испóлни-
хомся уничижéния: наипáче напóлнися душá на́ша поношéния гоб-
зúющих. /

Лик: и уничижéния гóрдых.

Éже на судѝщи ва́ше исповédание святѝи, / дéмонов опле-
ва́ силу, и от прéлести челове́ки свободѝ. / Тѣмже и главáм
усека́емым, взыва́сте: / да бúдет Гóсподи, жéртва дúш
на́ших благоприятна пред Тобóю, / яко Тебе́ возлюбѝвше, //
нерадѝхом о врѣ́менной жѝзни, Человеколю́бче.

Слáва, глас 8:

Слава Отцú, и Сы́ну, и Свято́му Дúху.

Мона́хов мно́жества, / наста́вника тя почита́ем, óтче наш
Максѝме: / твоёю бо стезёю воѝстинну пра́во ходѝти по-
зна́хом. / Блажён еси́, Христу́ рабóтав, / и вра́жию обличѝл
еси́ силу, / Ангелов собесéднике, преподóбных сопри-
ча́стнике и пра́ведных, / с нѝмиже моли́ся Гóсподеви // по-
ми́ловатися душáм на́шим.

И ныне, глас 8:

и ныне, и присно, и во веки веков. Аминь.

Радуйся, вселенная похвало; / радуйся, храме Господень; / радуйся, горю приосененная; / радуйся, всех прибежище; / радуйся, свещнице златый; / радуйся, Славо православных честная; / радуйся, Марие, Мати Христа Бога; / радуйся, раю; радуйся, Божественная трапезо; / радуйся, сене; радуйся, ручко всезлатая; // радуйся, всех упование.

Тропари

Тропарь прп. Максима Исповедника, глас 8.

Православия наставниче, / благочестия учителю и чистоты, / вселенная светильниче, / монашествующих Богодухновенное удобрение, / Максиме премудре, / ученьми твоими вся просветил еси, / цевнице духовная, // моли Христа Бога спастися душам нашим.

Слава Отцу и Сыну и Святому Духу.

Глас 4: Мученик Твой, Господи, Неофит / во страдании своем венец прият нетленный от Тебе, Бога нашего: / имей бо крепость Твою, / мучителей низложи, / сокруши и демонов немощныя дерзости. / Того молитвами // спаси души наша.

И ныне и присно и во веки веков. Аминь.

К Богородице прилежно ныне притецем, / грешнии и смиреннии, и припадём, / в покаянии зовуще из глубины души: / Владычице, помози, на ны милосердовавши, / потщися,

3 февраля 2026. Прп Максим Исповедник

**погиба́ем от мно́жества прегрешéний, / не отврати́ Твоя́ ра-
бы́ тщи, // Тя бо и еди́ну Наде́жду има́мы.**